



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Qua ratione consecratio ad essentiam huius sacrificij pertineat.

[urn:nbn:de:hbz:466:1-72898](#)

29 Dico Quartò, Distributio facta populo, seu sumptio populi, etiam non est necessaria ad perfectionem huius sacrificij: patet ex Concil. Trid. sess. 22, c. 6. & can. 8. Probatur; Quia Christus non præcepit hanc distributionem fieri quotiescumque hoc sacrificium offertur: ergo non pertinet ad eius perfectionem; non enim potest ad perfectionem eius pertinere, quod Dominus non præcepit. Ratio est; Quia tota actio sacrificandi fit à Sacerdote; sumptio autem est actio populi.

30 Dico Quintò, Consecrationē Corporis & Sanguinis Domini, vel solā, vel potissimum pertinere ad rationem huius sacrificij. Est communior sententia Doctorum, D. Thomæ hac q. a. 4. & suprà q. 80. a. 12. ad 3. Gabrielis lect. 26. in Canonē Bellarum, lib. I. de Missa c. vlt. Ruardi a. 6. & aliorum. Probatur Primo, Ex Scriptura: Luce 22. v. 19. Hoc facite in meā commemorationē: quibus verbis constituit Dominus Apostolos Sacerdotes noui testamenti; ipsique, & corū in sacerdotio successoribus præcepit, ut offerrēt Corpus suum & Sanguinem, sub specie panis & vini; vt inquit Concilium Trid. sess. 22. c. 1. Atqui his verbis potissimum præcepit consecrationē: hanc enim potissimum commemorant Euangelista ipsum fecisse; & per hanc eius passio potissimum repræsentatur: ergo oblatio potissimum consitit in consecratione. Confirmatur, Quia potestas sacerdotalis, quam Dominus his verbis contulit, est merē supernaturalis & diuina, & consistit in charactere sacerdotali; hic enim formaliter constituit sacerdotem nouā legis, cūm sit participatio sacerdotij Christi. Atqui character per se & directè est potestas cōsecrandi Corpus & Sanguinem Christi: ergo potestas sacerdotalis est potestas consecrandi Corpus Christi: ergo consecratio Corporis Christi est actus directus sacerdotum, & consequenter est oblatio sacrificij: nam sola oblatio sacrificij est proprius & directus actus sacerdotij, ut sacerdotum est.

2. Ex Patribus: Ireneus lib. 4. contra hæreses c. 32. dicit Christum docuisse noui Testamenti nouam oblationē, quando dixit, Hoc est Corpus meum. Cyprian. serm. de Cœna Domini, ait, Cum verbis consecrationis panis benedicitur Eucaristiam fieri medicamentū, & holocaustum. Chrysoft. hom. de productione Iudei, Verba Domini, Hoc est Corpus meum, vsque ad finem mundi præstare sacrificio firmatatem.

Prima. Probat Tertiò, Ratione. Primò, Quia principalis offerens in nostro sacrificio est ipse Christus; vt Concilii Trid. docet aliquoties: ergo illa actio potissimum est de essentia huius sacrificij, quæ fit in persona Christi. Atqui nulla est, quæ magis, & verius fit in persona Christi, quam consecratio; in ea enim loquitur Sacerdos tanquam ipse fit Christus: ergo cōsilit in consecratione. Secundò, Hoc sacrificium est repræsentatiū sacrificij crucis, seu effusionis sanguinis factæ in cruce. Atqui hac repræsentatio potissimum fit per consecrationē, dum Corpus & Sanguis seorsim ponuntur ex vi verborum sub diuersis speciebus, tanquā partes victimæ occise. Tertiò, Si consecratio non est de essentia huius sacrificij, nulla actio essentia huius sacrificij expressa est ab Euangelistis; quod omnino est incredibile. Nam cūm Lucas referat Dominum dixisse, Hoc facite in meā commemorationē (quibus verbis præcepit eis suam actionē imitari) debebat sanè illa actio exprimi, quæ maximè imitāda erat.

Quarta. Quartò, Si consecratio non sit de essentia, poterit

Sacerdos offerre sacrificium sine cōsacratiōne, per solam communionē quotiescumque volet: quod tamen est contra sensum communem Doctorum. Deinde sumptio Sacramenti, & oblatio sacrificij non different ritu extero, sed sola intentione ministri sumptis; quod etiā absurdum est. Nā sacrificium externum debet ritu extero, nō sola intentione, distingui ab vī Sacramēti: alioqui quomodo sciretur à populo sacrificium offerri? Quintò, Cōsacratiō est excellētissima functiō Sacerdotis, qua maximè declaramus Dei potestatē, & eminentiam: ergo in ea maximè debet ratio sacrificij constitui, quod est diuinæ eminentiæ protestatio.

Hinc patet non esse probandam quorundā sententiā, qui dixerunt consecrationem esse solū quid prævium sacrificio, non autem intrinsecè in ipsa sacrificandi actione includi: quomodo operatio illa diuina, qua Verbum Diuinum est incarnationatum, est quid prævium sacrificio crucis; & generatio hostiæ est quid prævium eius oblationi; ipsam autem sacrificij essentiam consistere duntaxat vel in verbali oblatione Corporis & Sanguinis Christi positi in altari, vel in sumptione.

SED DIFFICULTAS EST

Qua ratione consecratio ad essentiam huius sacrificij perineat?

Omisis varijs sententijs: Respondeo, Eatenus 31 consecratio pertinet ad essentiam huius Sacramenti, quatenus per realē mutationē constituitur. Corpus & Sanguinem Christi sub speciebus panis & vini, ad honorem Dei. Quid vt intelligatur: essentiam

Notandum est; Non solū actione, qua res determinatur, nos posse protestari diuinū principatum & omnipotentiam, nostramque subiecōnē, sed etiam actione, qua res cōstituitur, & quodammodo ad honorem Dei producitur. Nam actio libera productiua rei, nō minùs est idonea ad significatiōnē diuinam potentiam, & dominationē super omnia, quam actio destruens: ergo ad hoc significandum potest institui; præsertim à Deo, cuius est determinare, quibus actionibus, & rebus colī debeat: sicut si vellet colī mutationē aquæ in vinum, & idcirco institueret vt certis verbis fieret in honorem ipsius à publico ministro, hęc mutatio esset sacrificij. Quare, cūm Christus vellet nos habere eandē hostiam, quam ipse semel pro nobis obtulit in cruce, vt per eandē Deum coleremus & omnia beneficia impetraremus, per quam redemptio & salus nobis parta est; & hanc non possemus habere, nisi supernaturali potestate rursus quodammodo apud nos produceretur, nouum & admirabile sacrificij modum instituit, quo nō rem aliquam iam antē apud nos existentem, vt in omnibus alijs sacrificijs fieri solet, Deo offerimus, sed quo ipsam hostiam admirabili operatione ad honorem Dei, sub specie panis & vini mysticē mactatam ponemus. Qui sanè modus maximè consentaneus erat dignitati huius hostiæ: quæ talis est, vt Deus magis honoretur eius positione, quam destructione; præsertim cūm iam sit immortalis. Secūs est de alijs rebus, quæ naturaliter existunt, & deinde in honorem Dei consumuntur: nam per earum productionē, cūm à causis naturalibus pendeant, non sic possimus testari diuinum principatum, sicut per destructionem. Vnde

Notanda est diuersitas inter modum huius sacrificij & aliorum: quod in alijs sacrificijs id, ooo ij quod

Differētia
inter facri-
cūm Eu-
charistis &
reliqua
sacrificia.

quod primariō offertur, sit materia oblationis, vel potiū terminus à quo, ac proinde ipsi oblationi supponatur; id autem quod secundariō, sit terminus ad quem oblationis, seu actionis sacrificialis verbi gratia, quando sacrificatur ouis, terminus à quo, est ouis viva, qua potissimum dicitur sacrificari, quatenus ad honorem Dei, eius vita perimitur; vnde etiam supponitur oblationi: terminus autem ad quem, est caro eius mortua & sanguis effusus; hæc enim efficiuntur per oblationem, & secundariō per illam offeruntur. Sed contrario modo fit hīc: nam id, quod primariō offertur, est terminus ad quem mutationis seu oblationis, ac proinde non supponitur oblationi, sed fit per eam, nempe Corpus, & Sanguis Christi separatim sub specie panis & vini posita. Id autem, quod secundariō offertur, est materia oblationis, seu terminus à quo, nempe panis & vini substantiæ, quæ perimitur: nam etiam hæc suo modo substantiam huius sacrificij pertinent, considerati ut à Christo est institutum: sicut ad rationem mutationis suo modo pertinent termini, qui per mutationem desinunt.

³²
Ratio, sub
qua conse-
ratio per-
tinet ad
essentiam
huius sa-
crificij.

Hinc patet Primo: Quia ratione pertineat consecratio ad essentiam huius sacrificij, nempe quantum per eam constituitur Corpus, & Sanguis Christi seorsim ex vi verborū sub specie panis & vini, tanquam partes hostiæ mactatae: nam si per consecrationem fit aliquid sacram circa rem oblatam, eiisque materiam; id est, aliqua mutatione mystica, seu significativa alicuius rei sacre, & quidem duplicitis: nam quatenus per eam panis mutatur in Corpus, & vinum in Sanguinem, significamus omnia diuinæ potentie esse subiecta, & omnia ab ipso pendere: quatenus autem hæc ponuntur seorsim, significamus effusionem Sanguinis in cruce. Prior significatio pertinet ad rationem huius sacrificij, quæ sacrificium est: Posterior autem pertinet, quæ est sacrificium representativum sacrificij crucis: vtraque tamen pertinet ad essentiam huius sacrificij, ut à Christo est institutum: sicut ad essentiam sacrificij agni pertinebat non solum occisio, sed etiam afflato, & ossum integritas: sine his enim non tam fuisset sacrificium, quam sacrificium.

Ipsa conse-
ratio est
similis obla-
tio in hoc
sacrificio.

Patet Secundo: Vnā eadēque potestate & actione consecrari Corpus, & Sanguinem Domini, & offerri. Nam oblatio, seu consecratio eius nihil est aliud, quam consecratio, quæ ponitur sub specie panis & vini, ex ordinatione diuina significans diuum principatum & sacrificium crucis. Itaque quicunque consecrat, hoc ipso necessariō sacrificat; & contraria: neque possunt hæc vnuquam separari, modò vtriusque speciei fiat consecratio. Nec refert, etiam si quis expresse intendat non offerre: si enim intendit absolute consecrare, hoc ipso intendit implicitè, & in effectu offerre: nam ipsa consecratio ex institutione diuina, intrinsecè est sacrificij oblatio, & eadē potestate perficitur: sicut qui intendit conferre Sacramentum, hoc ipso implicitè intendit sanctificare, etiam si expresse id nolit.

Quid offe-
ratur in
hoc sacri-
ficio.

Patet Tertiō: Non solum id offerri, quod oblationi supponitur, eamque antecedit; sed etiam id, quod per eam efficitur, potest enim actus sacrificandi ita esse efficax, vt ipsam hostiā ad honorem Dei producat, sive illa hostia vterius sit mutanda, sive non: nam illa mutatio, quæ fit tum circa

materiam hostiæ, tum circa ipsam hostiam, dum sic producitur, sufficere potest ad rationem sacrificii.

Patet Quartō: Quomodo in mysterio Eucharistia differat ratio Sacrificij, & Sacramenti. Nam ratio sacrificij potissimum consistit in cōsecratione vtriusque speciei: Sacramentum autem in termino consecrationis, seu sacrificij, ita tamen, vt vtraque species seorsim sit perfectum Sacramentum.

Dico Sextō: Valde probabile est etiā pertinere sumptionem ad rationem huius nostri sacrificij, sacerdotis quatenus est mystica hostia consumptio facta à etiam p̄t Sacerdote. Infinuat D. Thomas infra art. 6. Tener ad rationem Melchior Canus lib. 12. de locis c. 13. Dom. Soto dist. 13. q. 1. art. 6. & 8. Bellarminus lib. 1. cuiuscum de Missa cap. vltimo: & multi alij.

Notandum tamen, hoc nō esse sic intelligendū, (vt quidam volunt) quasi sine sumptione consecratio nullo modo possit habere rationē sacrificij; aut sumptio sit principalis actio huius sacrificij; neutrum enim verum est. Si enim consecratio cōparetur cum sumptione, est multò principalior: est enim magis supernaturalis, directè requirens supernaturalem potestatem; magis etiam insinuat diuinam potentiam & dominationem, & sacrificium crucis; & in ipsa potuisset tota ratio huius sacrificij constitui, si Christo ita fuisset visum. Tamen quia voluit sacrificium nostrum esse holocaustum, quod est perfectissima sacrificij forma, voluit etiam illud consumi: hoc enim ad rationem holocausti requiritur. Et idē ipsa sumptio facta per Sacerdotem, quatenus est mystica quædam hostiæ consumptio, & peremptio, etiam pertinet ad rationem huius sacrificij, sicut ipsa sumptio ad rationem sacrificij Melchisedech, iuxta communem sententiam pertinebat. Neque mirum videri debet, duas actiones constitui de ratione vnius sacrificij; quia id etiam videmus in sacrificiis veteris legis: primum enim animal priuabatur vitâ, deinde carnes comburabantur. Nunc

Probatur Primo: Prioris ad Cor. 11. v. 24. Hoc est Corpus meum, quod pro vobis frangitur: Hic calix Sanguinis mei, qui pro vobis effunditur: hæc fratio, & effusio haud dubie pertinent ad rationem sacrificij: dicitur enim pro vobis frangitur, pro vobis effunditur: Atqui frangi, est cum fractione & p̄emptione immolari: effundi, cum effusione libari: significatur enim his nominibus oblatio coniuncta cum fractione & effusione. Sed hæc fractio & effusio fit per sumptionem: ergo sumptio pertinet ad rationem huius oblationis.

Secundo: Quia nostra Religio nō solum debet habere perfectissimam hostiam, sed etiam perfectissimam sacrificandi formam: sed hæc forma cernitur in holocausto, de cuius ratione est consumptio: ergo actio, qua consumitur, pertinet ad eius substantiam.

Tertio: Quia si consumptio non esset de substantia sacrificij, non posset dari vlla ratio, cur ita diuino necessaria sit hæc sumptio Sacerdotibus: holocausta enim veteris testamenti nō edebantur.

Quarto: Cur Ecclesia tantoperē semper curat, vt Sacerdos sumeret oblatā, adeo vt non sulementē suspedit vno anno? vt patet Canone Relatum, de Consecratione dist. 2. Et si contigerit sacerdotem mori post consecrationem, cur iubet alium perficere; nisi quia existimauit id necessarium ad perfectionem huius sacrificij?

Quinto,

Quinta.

Quintò, Si sumptio non esset de ratione huius sacrificij, non magis esset necessaria, quām fractio, aut oblatio verbalis: non enim est fundamentum, vnde colligatur maior necessitas.

Sexta.

Sexto denique, Si contingat aratum incidere in calicem consecratum, debet alius calix consecrari; idque ideo, quia prior non poterat sumi. Quid opus erat alio calice, si in consecratione prioris erat perfectum sacrificium?

Dices, Nostrum sacrificium offertur à Sacerdote in persona Christi: atqui sumptio non sit in persona Christi: ergo &c.

An tota
Actio in
hoc Sacri-
ficio sit in
Personam
Christi.

Respondeo Primo, Non facile probari potest totam actionem, qua offertur hoc sacrificium, debere fieri in persona Christi; sufficit enim primariam sic fieri, præsertim cùm sumptio sit etiam vius Sacramenti, qui sit ad propriam sanctificationem. Respondeo Secundo, Etiam sumptio Sacerdotis sit aliquo modo in persona Christi, sicut & aliorum Sacramentorum consecratio: cuius signum est, quod ipse sumat, non sicut Apostoli in cena, qui vt Laici sumebant porrectū ab alio; sed sicut Dominus, sua potestate præferens, & sibi porrigena dona.

Ex haec tenus dictis ferè patet responsio ad quatuor subiectas propositiones, de quibus non ita pridem rogatus. Itaque

QVÆRITVR QVID SENTIENDVM DE QVATVOR
SVBIECTIS PROPOSITIONIBVS?

Prima, Ad essentialē rationem sacrificij, prout est de iure nature, non requiritur mutatione; qua tamen requiritur ad hoc vt oblatio. Sacrificij rationem habeat, prout sacrificij vox in Scriptura sumitur, & ratio etymologia requirit.

Secunda, Formalis ratio cuiuscunq; sacrificij est oblatio seu relatio ad Deum: hostia autem & qua circa eam accidunt, materia.

Tertia, Formalis ratio sacrificij Missæ, quatenus est sacrificium propriæ dictum, est presentatio hostie Deo facta in recognitione summae dominij, cui ex instituto Christi, adiuncta est presentatio eiusdem hostie in memoria dominica passionis ad propitiationem, & sic, vt hac omnia simul concurvant ad essentialē sacrificij Missæ.

Quarta, Inter predictos modos quibus dicitur sacrificium Missæ offerri, prioribus repudiatis, duo illi probabiles sunt, quibus dicitur illud offerri, sive quia in altari ponitur, aut per verba offerimus: & has sententias posse retinere donec ab Ecclesia aliquid declaretur.

Respondeo Primo: Prima propositione videtur à veritate aliena. Primo, quia si ratio sacrificij propter est iuris nature, non requirit mutationem: ergo solum ex lego possitua diuina vel humana; atqui hoc verum non est; tum quia nec Scriptura nec Patres talis legis positivæ meminerunt, qua statutum sit, vt sacrificia Deo per mutationem rerum offerantur; tum quia gentiles sacrificia sua per mutationem offerebant, sive animalium, sive rerū inanimatarum, vt thuris, salis, vini: nec facilè quis inuenierit apud eos sacrificia appellari, in quibus nulla siebat mutatio. Secundo, Ratio naturalis dicitur diuinum numen esse colendum interemptione rerum in ipsius honorem facta; vt sic testemur omnia nos ab ipso habere, & ipsum habere perfectum dominum in omnia, & vitæ necisque potestatem: ergo ius naturæ dicitur hanc mutationem in sacrificio adhibendam; nam sacrificium est perfectissimum actus externus, quo Numen colitur;

Prima pro-
positio non
videtur ad
mittenda.

Sacrificia
genitalium.

vnde etiam diuino Numini est proprium, vt docent omnes Doctores, Tertiò, quia Scriptura ad rationem sacrificij requirit mutationem rerum ad honorem Dei factam: atqui Scriptura non requirit aliquid ad rationē sacrificij in genere, nisi quod legi naturæ requiritur, nempe sacerdotiū, altare, hostiam, & hostie interemptionem in honorem Dei; vt patet ex ijs locis quibus loquitur de sacrificijs legis naturæ. Vnde haec propositio non vide-

Scriptura.

tur sibi satis constare. Addo, neminem Doctorum veterum aut recentiorum, quod sciam, tradidisse sacrificij rationem prout est legi naturæ, non re- quiri mutationem. Vnde haec propositio videatur etiam nonnihil nouitatis & temeritatis contineat. Quod enim sine authore asseritur & sine sufficiente ratione, in materia Theologica non caret temeritate.

Respondeo Secundo: Secunda propositione duas habet partes, quarū neutra videtur vera, imo vtra que contra communem sententiam Doctori. Nam si ratio formalis sacrificij consistit in oblatione seu relatione ad Deum præcisæ; sequitur manifestè ad rationem sacrificij non requiri mutationem; quod est contra suprà dicta, & contra communem sententiam Doctorum; qui distinguunt sacrificium ab oblatione Deo facta, quod sacrificium fiat per interemptionem rei. Deinde, obla-

2. Propof.
Simpliciter
repugnat
communi.

tio primitiarum & primogenitorum erit verè & propriæ sacrificium, contra communem senten- tiam, & modum loquendi Scripturarum: quia est oblatio Deo facta in recognitionem supremæ potestatis & supremi dominij. Præterea, castigatio carnis facta ad honorandum Deum in corporibus nostris, tanquam authorem & dominum eorum, erit sacrificium; imo omne opus bonum præser- tim externum ad hunc finem relatum: nam ratio formalis ei conuenient. Possunt enim haec fieri non solum propter Deum, tanquam propter finem quem promercamur, sed etiam ad ipsum honorandum tanquam supremum Monarcham & Domi- num. Præterea, haec ratio sacrificij videtur omnino conuenire cum ea, quam assignat Caluinus lib.

Caluinus.

4. Inflit. cap. 18. §. 13. vbi dicit Sacrificium esse quidquid Deo offertur; & cum ea, quam Lutherani: Castigatio carnis.

Lutherani.

Castigatio carnis.

Alarmino, Gregorio à Valencia &c. cō quod mutationem à ratione formalis excludant. Denique, non satis videtur confitare cum prima propositione, in qua dicitur sacrificij rationem prout in Scripturis sumitur, includere mutationem: inde enim sequitur, verū nō esse sacrificij cuiusque rationē formalē consistere in relatione ad Deum, nempe præscindendo à mutatione.

Altera pars etiam vera non videtur: si enim omnia quæ circa hostiam accidunt ad materiam pertinet: ergo & ipsa mutatione: ergo haec non pertinet ad rationē formalē, contra suprà dicta, & contra primam propositionem. Item, ergo sacrificium non habet rationem formalē externam & sensibilem, sed relationē duntataz internam insensibilem: si enim relatio in Deum est ratio formalis, & ea quæ sunt circa hostiam sunt materia: ergo ratio formalis est interna, non ex- terna; nam externæ actions materia accidunt. Atqui oportet etiam dare rationem formalē ex-

Ooo iii teram